

Pou Piblikasyon Imedya: 30/12/2018

GOUVÈNÈ ANDREW M. CUOMO

GOUVÈNÈ CUOMO ANONSE Y AP PWOLONJE PWOGRAM ASISTANS IPOTÈK TANPORÈ A POU EDE NOUYÒKÈ VILNERAB KI TE OBLIJE DEMENAJE AKOZ TANPÈT EKSTRÈM YO POU SIMWA ANKÒ

Pandan Gouvènman Federal la Rete Fèmen, New York ap Pran Mezi pou l Ede Pwopriyetè Kay Vilnerab yo

Yo Prevwa gen 205 Aplikasyon ki Toujou Rete Kote yo te Demenaje Ale apre Gwo Tanpèt Vyolan Sandy a, Ouragan Irene lan ak Tanpèt Twopikal Lee a yo ki Konte Benefisyè de Mezi sa a

Jodi a, Gouvènè Andrew M. Cuomo te anonse y ap pwolonje Pwogram Asistans Ipotèk Tanporè a (Interim Mortgage Assistance, IMA) pou ede patisipan ki pi vilnerab yo pou simwa ankò, yon pwolonjman ki te posib gras a 3.9 milyon dola adisyonèl finansman eta a bay. Yo prevwa gen plis pase 200 aplikasyon elijib - ki gen ladan granmoun aje yo, moun ki gen andikap yo, viktim fwòd kontraktiyèl yo, moun ki bezwen rekonstwi kay yo, ak moun ki gen revni fèb oswa modere yo - ki konte benefisyè de dènye pwolonjman adisyonèl sa a, pandan y ap kontinye fini pwojè rekiperasyon ak rezistans apre Gwo Tanpèt Vyolan Sandy a ki te frape yo depi sizan deja. Sou direksyon Biwo Rekonstriksyon Apre Tanpèt Gouvènè a (Governor's Office of Storm Recovery, GOSR), pwogram IMA te distribiye 54.2 milyon dola pou sipòte apeprè 1,900 Nouyòkè ki te afekte ki gen vèsman ipotèk ak lwaye pou yo peye.

“Byenke gouvènman federal la pa reyisi ede sila ki gen bezwen yo, New York ap pran responsablite a yon lòt fwa ankò pou ede kominote move tan ekstrèm yo te afekte yo”, **Gouvènè Cuomo te di.** “Avèk pwolonjman adisyonèl simwa sa a, nou pral kontinye ede Nouyòkè vilnerab yo rekonstwi pi solid ak pi rezistan pase avan.”

Pwolonjman simwa sa a ap reyaliyen dèlè pwogram IMA a ak dèlè yo deja genyen pou Pwogram Pwopriyetè Kay Inifamilyal NY Rising lan (NY Rising Single Family Homeowner Program) ki se jen 2019. Se sèlman aplikasyon aktyèl ki patikilyèman vilnerab yo epi ki poko resevwa avantaj IMA pandan 20 mwa okonplè yo dwe resevwa yo ki pral elijib pou pwolonjman sa a. Yo pap aksepte okenn nouvo aplikasyon IMA. Benefisyè IMA vilnerab yo pral elijib pou yo resevwa jiska 20 mwa IMA yo a okonplè san ranbousman odela de mwa Jen 2019. Viktim fwòd kontraktiyèl yo pral elijib pou yo resevwa jiska 20 mwa IMA yo a okonplè epi yo gendwa pèmèt yo kontinye kolekte apre dèlè mwa Jen 2019 la. GOSR pral pibliye pwolonjman ki disponib sa a sou sitwèb yo a, epi yo pral kontakte benefisyè IMA vilnerab ki kalifye yo mwayennan sou baz chak ka. Si yon aplikasyon kwè yo gendwa elijib, yo dwe kontakte jesyonè ka yo a oswa rele sant lan nan 844-9NY-RISING (844-969-7474).

Direktè Egzekitif Lojman, Pwogram Racha ak Akizisyon nan Biwo Rekonstriksyon Apre Tanpèt Gouvènè a, Thehbia Hiwot te deklare, “Lè gouvènman federal la te premye limite kantite lajan pou asistans ipotèk nou ka bay la, Eta a te lite an favè sivivan katastwòf la yo pou nou ka sekirize pwolonjman dèlè a. Nan pwosesis la, nou te devlope yon pwogram novatè ki te vèsè anpil dizèn milyon dola pou asire ke Nouyòkè tanpèt te afekte yo ka peye vèsman ipotèk yo”.

Senatè Todd Kaminsky te deklare, “Gentan gen sizan ki deja pase depi gwo tanpèt vyolan Sandy a te frape, toujou gen viktim tanpèt la yo ki poko retounen lakay yo, san se pa fòt yo. Pwolonjman sa a pral ofri tan ak resous nesèsè yo bezwen pou yo rekonstwi. Piske gouvènman federal la pap finanse pwogram sa a ankò, epi tout lajan sa se lajan eta a sèlman, n ap di yon mèsè espesyal a Gouvènè Cuomo pou finansman pwogram sa a ak paske l konprann kalvè twòp nan vwazen nou yo ap monte”.

Resous adisyonèl eta ap bay yo pral ede patisipan Pwogram Rekiperasyon Lojman NY Rising lan (NY Rising Housing Recovery Program) peye pou vèsman ipotèk yo jiska Jen 2019, ki se lè pwopriyete kay yo dwe pwograme pou fè yon dènye enspeksyon. Apre de pwolonjman dèlè yo te bay avan pou favorize pwogrè konstriksyon yo, yo pap bay okenn lòt dèlè siplemantè ankò, epi aplikan yo dwe fèmen pwogram lan apati 31 Desanm 2019.

Menm jan ak tout pòtfèy pwogram NY Rising Eta a yo, ki te jwe yon wòl santral nan pwosesis rekiperasyon apre tanpèt Sandy, Lee ak Irene lan yo, GOSR te inisyaman finanse IMA avèk atribisyon 4.5 milya dola yo te resevwa nan men Depatman Lojman ak Devlopman Iben Etazini an (Department of Housing and Urban Development, HUD). An 2013, HUD te pèmèt GOSR ak lòt benefisyè sibvansyon Sandy yo ofri jiska 20 mwa asistans kote yo te ofri yon avantaj maksimòm 60,000 dola. Toutfw, apre Eta New York te fin tande preyokipasyon rezidan l yo, yo te kontinye pouse limit yo.

An 2015, GOSR te soumèt yon egzansyon pou bay avantaj IMA yo odela de 20 mwa yo epi, an Janvyè 2016, yo te resevwa pèmision pou yo pwolonje peman yo pou yon lòt 16 mwa ankò kote yo te ofri yon avantaj maksimòm 108,000 dola. GOSR te premye benefisyè sibvansyon ki te resevwa dire pwolonjman dèlè sa a epi pou yo bay 36 mwa asistans vèsman ipotèk. Byenke HUD te egzije pou pwolonjman 16 mwa a fini an Desanm 2017, GOSR te kontinye ofri jiska 20 mwa IMA a jiskan 2018.

Y ap ajoute plis pase 54 milyon dola yo te vèsè atravè IMA a sou 1 milya dola ke yo te remèt pwopriyete kay Long Island yo dirèkteman nan men yo atravè Pwogram Rekiperasyon Lojman NY Rising lan, ki finanse reparasyon, rekonstriksyon, ak elevasyon yo.

Biwo Rekonstriksyon Apre Tanpèt Gouvènè a te etabli nan mwa Jen 2013 pou kowòdone efò rekiperasyon nan tout eta pou gwo tanpèt Sandy, Siklòn Irene, ak Tanpèt Tropikal Lee. Atravè Pwogram Rekiperasyon Lojman NY Rising, pwogram Ti Bisnis yo (Small Business), pwogram Rekonstwiksyon Kominotè (Community Reconstruction), pwogram Enfrastrikti (Infrastructure) ak pwogram Rekonstwiksyon apati Konsepsyon (Rebuild By Design) li yo — GOSR ap investi 4.5 milya dola nan Sibvansyon Blòk Devlopman Kominotè (Community Development Block Grant) federal - Finansman pou Rekiperasyon apre Dezaz yo pou pi byen prepare New York pou move tan ekstrèm yo.

Plis enfòmasyon sou GOSR ak pwogram li yo disponib sou entènèt nan <http://stormrecovery.ny.gov/>.

###

W'ap jwenn lòt nouvèl ki disponib sou sitwèb www.governor.ny.gov
Eta New York | Chanm Ekzekitif | press.office@exec.ny.gov | 518.474.8418

[ANILE ENSKRIPSYON OU](#)